

13 December 2024

1700 Hrs

ایوننگ گو جری نیوز بلیٹن مور 13 دسمبر 2024

\*\*\*\*\*

یوہ آکا شوانی جموں ہے محبوب سلطانی تے نصرت چودھری تیں خبر سنو۔ پہلاں خاص خاص خبر۔

\*\*\*\*\*

\*1۔ وزیر اعظم نریندر مودی نے مہا گمب میلہ 2025 تیں قبل پریاگراج مانہ متعدد ترقیاتی پروجیکٹاں غو افتتاح کیو۔

\*2۔ چیرمین غے خلاف تحریک عدم اعتماد ور ہنگامی آرائی غے درمیان راجیہ سبھا 16 دسمبر توڑی ملتوی۔

\*3۔ لوک سبھا مانہ ایس جے شنکر نے کہیو جے بھارت پاکستان غے نال دہشت گردی تیں پاک تعلقات رکھنو چاوے۔

\*4۔ تے صدر، نائب صدر، وزیر اعظم تے پارلیمانی اراکین نے پارلیمنٹ حملہ غا شہیداں نانہ خراج عقیدت پیش کیو۔

\*\*\*\*\*

خبراں غی تفصیل نال پہلاں باغ محبوب سلطانی۔

### PM Development Projects

وزیر اعظم نریندر مودی نے اج کہیو ہے جے 2025 غو مہا گمبہ اتحاد تے برادری غو ایسو مہا گمبہ وے غوجہڑو ملک غی رہنمائی کرے گو، تے اس غی دنیا پھر مانہ گل وے گی۔ انہاں نے انہاں گلاں غو اظہار اج پریاگراج غا سنگم علاقہ مانہ مہا گمبہ 2025 غا رسمی طور افتتاح توں بعد عوامی اجتماع سنگ خطاب غے دوران کیو۔ یوہ مہا گمبہ اگلا سال غی 13 جنوری نانہ شروع وے غوتے 26 فروری 2025 تک جاری رہے گو۔ اس موقعہ ور جناب مودی نے 6 ہزار 6 سو 70 کروڑ روپیاں غی لاگت آلا ترقیاتی پروجیکٹاں غو افتتاح وی کیو جن مانہ بکھ بکھ ریل تے سڑک غا منصوبہ وی شامل ہیں تانجے پریاگراج مانہ ڈھانچہ نانہ بہتر بناویو جا سکے۔ وزیر اعظم نے اس موقعہ ور کہیو جے مہا گمبہ غے دوران پریاگراج غی مقدس سر زمین ور اک نوی تاریخ رقم کی جائے گی۔ جہڑو کہ اپنا آپ مانہ ہون آلو بہت کھٹ واقعہ وے گو۔ نال ہی نال ہر طرح غی نا برابری نانہ ختم کرے اجتماعات غی طاقت نانہ ظاہر کرے گو۔ انہاں نے کہیو جے یوہ اک بھارت سریشٹھ بھارت غی حاصل قیمت نانہ وی ظاہر کرے۔ وزیر اعظم اس نے اس موقعہ ور اہم مندران غا رستاں غو وی افتتاح کیو۔ اپنا سوچھ تے نرمل گنگا غا وعدہ ور انہاں نے آن آلا نکا نالاں غی روک تھام تے دیگر غو وی افتتاح کیو تانجے گنگا مانہ گندہ پانی نانہ روکیو جا سکے۔

\*\*\*\*\*

### Parliament Session

راجیہ سبھا نانہ حکومتی ممبران تے حزب اختلاف بشکار چیرمین جگدیپ دھنکڑ غے خلاف عدم اعتماد غی تحریک غے چلتیں شور شرابا بشکار 16 دسمبر تک ملتوی کر دتو گیو ہے۔ نائب صدر جمہوریہ جہڑا کہ راجیہ سبھا غا چیرمین وی ہیں غے خلاف کانگریس غی قیادت مانہ حزب اختلاف غی جماعتاں غی طرفوں اک جماعت غو پکھ لین غو الزام لاتاں واں عدم اعتماد چلائی جان بارے نوٹس جمع کرایو گیو ہے۔ اج دوپہر توں پہلاں منعقد ہوا سیشن غے دوران حکومتی ممبران غی طرفوں جناب دھنکڑ غی عزت نہ

کرن بارے کا نگریس رہنماواں ور الزام لایوگکیو۔ اس شور شرابہ بشکار جناب دھنکڑ نے راجیہ سبھا مانہہ حزب اختلاف غا رہنما تے کا نگریس صدر ملک ارجن کھڑگے نانہہ اپنی گل رکھن بارے کہیو۔ جناب کھڑگے نے اس دوران بولتاں واں کہیو جے چیرمین حکومتی ممبراں نانہہ بولن غو متو موقعو دے رہیا ہیں۔ انہاں نے مزید کہیو جے کا نگریس جماعت غی وی توہین کی جا رہی ہے۔ اس ضمن مانہہ جناب دھنکڑ نے راجیہ سبھا غا رہنما جے پی نڈا تے حزب اختلاف غا رہنما ملک ارجن کھڑگے نے کہیو جے وے چیرمین غا چیمبر مانہہ ان سنگ ملاقات کریں تا نجے ایوان غی کا روائی مانہہ رکاوٹ نانہہ ملتوی کرن توں پہلاں حل کیو جا سکے۔

\*\*\*\*\*

## LS Consitution Debate

لوک سبھا نے ملک مانہہ آئین نانہہ اپنان غی 75 واں سال غو آغاز کیو۔ لوک سبھا مانہہ درج کردہ موضوعات غے مطابق بھارت غا آئین نانہہ اپنانا غی 75 ویں سالگراہ ور خصوصی بحث وے گی۔ بحث غو آغاز وقفہ سوالات تیں بعد ہوؤ۔ وزیر دفاع راجناتھ سنگھ نے لوک سبھا مانہہ آئین ور بحث غو آغاز کیو۔ اس موقعہ ور خطاب کرتاں واں جناب راجناتھ سنگھ نے کہیو جے بھارتی آئین سماجی، اقتصادی، سیاسی تے ثقافتی زندگی غا تمام پہلوں نانہہ چھو غے قوم غی تعمیر غی راہ ہموار کرے۔ انہاں نے مزید کہیو کہ آئین ملک غی تہذیبی اقدار غو اظہار کرے۔ توقع ہے کہ وزیر اعظم نریندر مودی کل لوک سبھا مانہہ آئین ور 2 روزہ بحث غو جواب دیں گا۔

\*\*\*\*\*

## SIH IIT Jammu

سمارٹ انڈیا بیکا تھان ایس آئی ایچ 2024 گا فائینل غو کامیابی سنگ پچھلے تہارے اختتام ہو گیو ہے۔ اس تقریب مانہہ ملک پھر توں 28 ٹیماں نے شرکت کی تانجے قومی اہم معلوماتی ڈھانچہ روک تھام مرکز این سی آئی آئی پی سی غی طرفوں پیش کیا گیا اہم سائبر حفاظتی دقتاں غو حل کڈیو جا سکے۔ اس تقریب مانہہ 6 ٹیماں نے کامیابی حاصل کی تے اس ضمن مانہہ ہر اک نانہہ 1 لکھ روپیاں غو انعام تے اک سرٹیفکیٹ وی دتی گئی۔ اس سلسلہ مانہہ اختتامی تقریب غے دوران اعزاز آئی آئی ٹی جموں غا ڈائریکٹر پروفیسر منوج کمار گور نے دتا۔ مہاراضلع غا نمائندہ انکش شرما سنگ اس تقریب مانہہ اک جتن آلا نے گل کرتاں واں اس طرح کہیو۔ بانٹ۔

\*\*\*\*\*

## DC Poonch Muft Bijli Yojana

ڈپٹی کمشنر پونچھ وکاس کنڈل نے کل ڈی سی آفس کمپلیکس مانہہ پی ایم سو ریا گھر مفت بجلی یوجنا ور بیداری پروگرام غو آغاز کیو۔ یاہ اک سرکاری سکیم ہے جس غو مقصد پورا بھارت مانہہ گھراں نانہہ مفت بجلی فراہم کرنو ہے۔ پروگرام غے دوران ڈپٹی کمشنر نے قابل تجدید توانائی غا اہم کردار ور زور دیتاں واں پونچھ غا تمام شہریاں تیں شمسی ٹیکنالوجی نانہہ اپنان غی اپیل کی۔ ڈپٹی کمشنر نے اس گل ور روشنی کہلی کہ فائدہ چان آلا 2 کلو واٹ نظام غی تنصیب ور 65 فیصدی رعایت حاصل کر سکیں۔ جس تیں برادری واسطے قابل تجدید توانائی زیادہ رسائی وے گی۔

\*\*\*\*\*

## Kathua Homeopathy College

جموں کشمیر اپنو پہلو سرکاری ہومیو پیتھی میڈیکل کالج گا قیام غے نال صحت تے طبی تعلیم مانہہ اک اہم سنگ میل حاصل کرن واسطے تیار ہے۔ آکاشوانی جموں غا نامہ نگار نے اطلاع دتی ہے کہ کٹھوعہ ضلع غا رکھ شری علاقہ مانہہ 57 کنال 1 مرلہ تقریباً 7

ایکڑ جگہ کالج غا قیام واسطے نشاندہی کی گئی ہے۔ نوی عمارت مکمل ہون توڑی کٹھوعہ میڈیکل کالج مانہہ کلاسز واسطے عبوری انتظام کیا ہیں۔ آیوش غی وزارت نے اس پروجیکٹ غی منظوری دے دتی ہے، جہیڑی کٹھوعہ ضلع مانہہ 80 کروڑ روپیاں غی تخمینہ لاگت تیں تعمیر کیو جائے گو۔ کلاسز غو آغاز موجودہ تدریسی سیشن 25/2024 تیں وے گو۔ کالج نانہہ اپنا پہلا سال مانہہ 63 نشستیں واسطے منظوری دتی گئی ہے۔ جس مانہہ معاشی طور ور کمزور طبقات واسطے تحفظات شامل ہیں۔ 15 فیصد سیٹ سینٹرل پول غے ذریعے پھری جائیں گی۔ جد کہ جموں کشمیر بورڈ آف پروفیشنل انٹرنس اگزام باقی سیٹاں غا انتخاب نانہہ سنبھالے گو۔

\*\*\*\*\*

یہ خبر تم آکاشوانی جموں تیں سن رہیا ہیں خیراں گا باقی حصہ نال نصرت چودھری۔

## Jaishanker India Pak

وزیر خارجہ ایس جے شنکر نے اج لوک سبھا مانہہ کہیو ہے کہ بھارت پاکستان غے نال ایسو تعلقات رکھنو چاوے جہیڑو دہشت گردی تیں پاک وے، تاہم انہاں نے خبردار کیو ہے کہ اگر پاکستان نے اپنی ماضی غا رویا مانہہ تبدیلی غو مظاہرہ نہیں کیو تاں اس تیں دو طرفہ تعلقات متاثر وین گا۔ وزیر خارجہ نے لوک سبھا نانہہ مطلع کیو کہ پاکستان غے نال تجارتی تعلقات 2019 مانہہ بھارت غا دفعہ 370 غی منسوخ تیں بعد کیا گیا فیصلاں غی وجہ تیں منقطع ہوا تھا، جس نے جموں کشمیر نانہہ خصوصی درجو دتو تھو۔ وقفہ سوالات غے دوران انہاں نے کسے وی پڑوسی غی طرح پاکستان غے نال پُر امن تے دہشت گردی تیں پاک تعلقات نانہہ بھارت غا موقف نانہہ ڈہرایو۔ تاہم انہاں نے اس گل ور زور دتو کہ یوہ پاکستان ور ہے کہ وہ اپنو ماضی غا رویا مانہہ تبدیلی غو مظاہرہ کرے۔ اگر وہ ایسو نہیں کرتو تاں قدرتی تعلقات ور اثر مرتب وین گا۔ جناب ایس جے شنکر نے کہیو جے اس غی ذمہ داری پاکستان ور عائد وے۔

\*\*\*\*\*

## Parliament Attack

قوم اج توں 23 بہرا پہلاں یعنی 13 دسمبر 2001 مانہہ پارلیمنٹ ور دہشت گرد حملہ مانہہ اپنی جاناں غو نذرانو پیش کرن آلا حفاظتی اہلکاراں تے متاثرہ افراد نانہہ خراج تحسین پیش کر رہی ہے۔ اس ضمن مانہہ صدر جمہوریہ درویدی مرمو نے اُن بہا در جواناں نانہہ خراج عقیدت پیش کیو جنہاں نے اس دہشت گردانہ حملہ غے دوران پارلیمنٹ غو دفاع کرتاں واں اپنی جاناں غو نذرانو پیش کیو تھو۔ اک سماجی میڈیا پوسٹ مانہہ صدر جمہوریہ نے حفاظتی اہلکاراں غی بے لوٹ خدمات نانہہ یا دکیو ہے۔ انہاں نے کہیو جے یہ شہید مُلک نانہہ لگاتار متاثر کرتا رہیں گا۔ اس تیں علا وہ نائب صدر جمہوریہ جگدیپ دھنکڑ، لوک سبھا غا سپیکر اوم برلا، وزیر اعظم نریندر مودی، مرکزی وزیر داخلہ امت شاہ نے وی اج پارلیمنٹ ہاؤس کمپلیکس نوی دہلی مانہہ 2001 غا پارلیمنٹ حملہ مانہہ شہید ہون آلاں نانہہ خراج عقیدت پیش کیو۔ اینگاں لیفٹنٹ گو رنرمنوج سنہا نے پارلیمنٹ حملہ مانہہ شہید ہون آلاں نانہہ خراج عقیدت پیش کیو ہے۔ انہاں نے کہیو جے قوم اُن غی اس عظیم قربانی غی ہمیشہ شکرگذار رہے گی۔

\*\*\*\*\*

## DC Eco Sensitive Zone

ڈپٹی کمشنر جموں سچن کمار ویشیہ جہیڑا کہ رام نگر وائلڈ لائف سنچوری غو ایکو سنسٹیو یعنی ماحولیاتی حساس غی مائٹرننگ کمیٹی غا چیرمین وی ہیں نے پچھلے تہاڑے اک اجلاس غی صدارت کی۔ جس غو مقصد رام نگر وائلڈ لائف سنچوری غی ماحولیاتی حساس بارے کمیٹی بارے دفعات غا نفاذ بارے جانکاری لینو تھو۔ اس میٹنگ مانہہ

وائٹڈ لائف وارڈن جموں غا ممبر سیکریٹری وجے کمار تے دوجا کمیٹی ممبر وی شامل تھا۔ اس دوران دسیو گیو جے 2021 مانہہ 10 مربع کلو میٹر غو ماحولیاتی حساس زون نانہہ بچان تے انتظام واسطے اک شراکت داری حکمت عملی تیار کرن ور توجہ پائی گئی۔ اس میٹنگ مانہہ اک جامع تبادلہ غے دوران اس زون مانہہ آن آلی تمام کا رکر دگی نانہہ ماحولیاتی تحفظ غی ہدایت ور سختی نال عمل کرتاں واں فروغ دتو جائے گو۔ اس ضمن مانہہ چیرمین نے جموں ترقیات اتھارٹی تے جموں میونسپل کا رپو ریشن نانہہ منصوباں غا عمل اندر پوری سرگرمی سنگ شامل کرن غی ہدایت وی دتی۔

\*\*\*\*\*

## DM Kot Bhalwal

ضلع مجسٹریٹ سچن کمار ویشیا نے جیل سپر ٹینڈینٹ وریندر کمار بھٹ غے ہمراہ کل سینٹرل جیل کوٹ بھلوال گو دورو کیو۔ دورہ غے دوران ضلع مجسٹریٹ نے جیل رسالہ غی تعمیل غو جائز و لیو تے قیدیاں واسطے دستیاب مختلف سہولیات غو معائنو کیو۔

\*\*\*\*\*

## India Women Hockey

مسقط امان مانہہ جو نئیر ایشیا کپ مانہہ بھارت غی خواتین غی جو نئیر ہاکی ٹیم نے پول اے غا اپنا چوتھا مقابلہ مانہہ تھائی لینڈ نانہہ 0/9 تیں شکست دتی۔ اس جیت غے نال ہی بھارت نے سیمی فائنل مانہہ اپنی جگہ پکی کر لی ہے، تے ان غو مقابلو کل سیمی فائنل مانہہ جاپان نال وے گو۔

\*\*\*\*\*

اس غے نال ہی خبراں غو یوہ بلیٹن ختم ہوؤ۔